

USTAVNI SUD
BOSNE I HERCEGOVINE



УСТАВНИ СУД
БОСНЕ И ХЕРЦЕГОВИНЕ

CONSTITUTIONAL COURT
OF BOSNIA AND HERZEGOVINA

COUR CONSTITUTIONNELLE
DE BOSNIE-HERZEGOVINE

SAŽETAK IZVJEŠTAJA O IZVRŠENJU ODLUKA USTAVNOG SUDA BOSNE I HERCEGOVINE

Ustavni sud Bosne i Hercegovine (u daljnjem tekstu: Ustavni sud) na plenarnoj sjednici održanoj 26. marta 2026. godine usvojio je ažurirani Izvještaj o izvršenju odluka Ustavnog suda broj SU-04-405/26. U izvještaju je konstatirano da je u periodu od novembra 2024. godine, kada je bio usvojen posljednji izvještaj o izvršenju, pa do 30. januara 2026. godine stanje s izvršenjem odluka Ustavnog suda sljedeće:

I. Odluke iz nadležnosti Ustavnog suda po članu VI/3. a), c) i f) i članu VI/4. Ustava Bosne i Hercegovine (tzv. odluke o ustavnosti – oznaka „U“)

Neizvršeno 17 odluka:

- U-9/09** – po zahtjevu Kluba izaslanika hrvatskog naroda u Domu naroda Parlamentarne skupštine BiH za ocjenu ustavnosti odredbi člana 19.4 Izbornog zakona BiH i člana 17. Statuta Grada Mostara – nalog za izvršenje izdat je Parlamentarnoj skupštini i Gradskom vijeću Grada Mostara.
- U-15/11** – po zahtjevu sutkinje Kantonalnog suda u Sarajevu za ocjenu kompatibilnosti odredbe člana 3.a Zakona o prestanku primjene Zakona o napuštenim stanovima i odredbe čl. 39.a i 39.e Zakona o prodaji stanova na kojima postoji stanarsko pravo sa članom II/3.k) Ustava BiH i članom 1. Protokola broj 1 uz Evropsku konvenciju – nalog za izvršenje izdat je Parlamentu Federacije Bosne i Hercegovine.

3. **U-23/14** – po zahtjevu Bože Ljubića, u vrijeme podnošenja zahtjeva predsjedavajućeg Predstavničkog doma Parlamentarne skupštine BiH, za ocjenu ustavnosti odredbi čl. 10.10, 10.12, 10.15. i 10.16. Potpoglavlja B Izbornog zakona BiH i odredbi člana 20.16.A Poglavlja 20 – Prijelazne i završne odredbe Izbornog zakona BiH – nalog za izvršenje izdat je Parlamentarnoj skupštini Bosne i Hercegovine.
4. **U-5/16** – po zahtjevu Borjane Krišto, u vrijeme podnošenja zahtjeva druge zamjenice predsjedavajućeg Predstavničkog doma Parlamentarne skupštine Bosne i Hercegovine, za ocjenu ustavnosti odredbi člana 84. st. 2, 3, 4. i 5, člana 109. st. 1. i 2, člana 117. tačka d), člana 118. stav 3, člana 119. stav 1, člana 216. stav 2, člana 225. stav 2. i člana 226. stav 1. Zakona o krivičnom postupku Bosne i Hercegovine („Službeni glasnik BiH“ br. 3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 58/08, 12/09, 16/09, 93/09 i 72/13) – nalog za izvršenje izdat je Parlamentarnoj skupštini Bosne i Hercegovine.
5. **U-6/16** – po zahtjevu Borjane Krišto, u vrijeme podnošenja zahtjeva druge zamjenice predsjedavajućeg Predstavničkog doma Parlamentarne skupštine Bosne i Hercegovine, za ocjenu ustavnosti člana 114. stav (3) Zakona o policijskim službenicima Bosne i Hercegovine („Službeni glasnik BiH“ br. 27/04, 63/04, 5/06, 33/06, 58/06, 15/08, 35/09 i 7/12) – nalog za izvršenje izdat je Parlamentarnoj skupštini Bosne i Hercegovine.
6. **U-21/16** – po zahtjevu Borjane Krišto, u vrijeme podnošenja zahtjeva druge zamjenice predsjedavajućeg Predstavničkog doma, za ocjenu ustavnosti odredbi člana 78. st. 3, 4. i 5. Zakona o Obavještajno-sigurnosnoj agenciji Bosne i Hercegovine („Službeni glasnik BiH“ br. 12/04, 20/04, 56/06, 32/07, 50/08 i 12/09) – nalog za izvršenje izdat je Parlamentarnoj skupštini Bosne i Hercegovine.
7. **U-16/20** – po zahtjevu dvadeset i četiri člana Predstavničkog doma Parlamentarne skupštine BiH za rješavanje spora između Bosne i Hercegovine i Republike Srpske – nalog za izvršenje izdat je Komisiji za koncesije Bosne i Hercegovine.
8. **U-4/21** – po zahtjevu sedam delegata Vijeća naroda Republike Srpske za ocjenu ustavnosti Zakona o šumama Republike Srpske („Službeni glasnik Republike Srpske“ br. 75/08, 60/13 i 70/20) – nalog za izvršenje izdat je Narodnoj skupštini Republike Srpske.

9. **U-12/23** – po zahtjevu sutkinje Općinskog suda u Sarajevu za ocjenu ustavnosti člana 20. Zakona o plaćama i naknadama u organima vlasti Federacije Bosne i Hercegovine („Službene novine Federacije Bosne i Hercegovine“ br. 45/10, 111/12, 20/17, 22/19 i 94/20) i Uredbe o naknadama koje nemaju karakter plaće („Službene novine Federacije Bosne i Hercegovine“ br. 63/10, 22/11, 66/11, 51/12 i 99/22) – naloga za izvršenje izdat je Parlamentu Federacije Bosne i Hercegovine.
10. **U-3/24** – po zahtjevu Kemala Ademovića, u vrijeme podnošenja zahtjeva predsjedavajućeg Doma naroda Parlamentarne skupštine Bosne i Hercegovine, za ocjenu ustavnosti Odluke o promjeni namjene šumskog zemljišta i privremenom korištenju šumskog zemljišta u druge namjene Vlade Federacije Bosne i Hercegovine („Službene novine FBiH“ br. 89/23 i 100/23) – naloga za izvršenje izdat je Vladi Federacije Bosne i Hercegovine i Federalnom ministarstvu poljoprivrede, vodoprivrede i šumarstva.
11. **U-6/24** – po zahtjevu trinaest poslanika Predstavničkog doma Parlamentarne skupštine Bosne i Hercegovine za rješavanje spora s entitetom Republika Srpska zbog donošenja Odluke o načinu i uvjetima prodaje nekretnina u vlasništvu RS koje se nalaze u okviru posebnog područja Jahorina javnim nadmetanjem – licitacijom („Službeni glasnik RS“ broj 114/23) – naloga za izvršenje izdat je Vladi Republike Srpske i Ministarstvu trgovine i turizma Republike Srpske.
12. **U-7/24** – po zahtjevu sutkinje Općinskog suda u Sarajevu za ocjenu ustavnosti člana 18. Zakona o plaćama i naknadama u organima vlasti Kantona Sarajevo – naloga za izvršenje izdat je Skupštini Kantona Sarajevo.
13. **U-9/24** – po zahtjevu sutkinje Suda Bosne i Hercegovine za ocjenu ustavnosti člana 11. Zakona o plaćama i drugim naknadama u sudskim i tužilačkim institucijama na nivou Bosne i Hercegovine – naloga za izvršenje izdat je Parlamentarnoj skupštini Bosne i Hercegovine.
14. **U-10/24** – po zahtjevu sutkinje Suda Bosne i Hercegovine za ocjenu ustavnosti Zakona o registraciji pravnih lica koja osnivaju institucije Bosne i Hercegovine – naloga za izvršenje izdat je Parlamentarnoj skupštini Bosne i Hercegovine.
15. **U-16/24** – po zahtjevu sutkinje Suda Bosne i Hercegovine za ocjenu ustavnosti Zakona o plaćama i drugim naknadama u sudskim i tužilačkim institucijama na nivou Bosne i Hercegovine – naloga za izvršenje izdat je Parlamentarnoj skupštini Bosne i Hercegovine.

16. **U-20/24** – po zahtjevu trinaest članova Predstavničkog doma Parlamentarne skupštine Bosne i Hercegovine za ocjenu ustavnosti člana 4. stav (1) tačka 12) Pravilnika o nastavnom planu i programu za osnovni odgoj i obrazovanje Republike Srpske i Priloga broj 20 – Nastavni program za nastavni predmet Historija za IX razred osnovne škole u dijelu koji se odnosi na „Temu 11. Republika Srpska i Odbrambeno-otadžbinski rat“ – naloga za izvršenje izdat je ministru obrazovanja i kulture Republike Srpske i direktoru Republičkog pedagoškog zavoda Republike Srpske.

17. **U-22/24** – po zahtjevu sudije Osnovnog suda u Sokocu, Odjeljenje u Palama, za ocjenu ustavnosti Zakona o plaćama i naknadama sudija i javnih tužilaca u Republici Srpskoj – naloga za izvršenje izdat je Narodnoj skupštini Republike Srpske.

II. Odluke iz nadležnosti Ustavnog suda po članu VI/3.b) Ustava Bosne i Hercegovine (tzv. apelaciona nadležnost – oznaka „AP“)

Neizvršeno 17 „AP“ odluka:

(AP-3876/22, AP-861/10, AP-1475/23, AP-822/21, AP-823/21, AP-960/21, AP-1281/21, AP-2271/21, AP-2425/21, AP-2567/21, AP-3514/21, AP-2802/24, AP-940/22, AP-4447/24, AP-2297/22, AP-2800/17, AP-2193/17)

Vojni stanovi

Ustavni sud je u 60 „AP“ odluka, što uključuje 131 „AP“ predmet tzv. vojnih stanova, izdao naloga za izvršenje Vladi Federacije Bosne i Hercegovine. Vlada Federacije Bosne i Hercegovine, Ured za saradnju i zastupanje pred Ustavnim sudom Bosne i Hercegovine i Ustavnim sudom Federacije BiH (u daljnjem tekstu: Ured Vlade FBiH), 2023. godine je obavijestila Ustavni sud da je imenovala radno stručno tijelo koje je zaduženo za postupanje po pojedinačnim zahtjevima apelanata za izvršenje odluka Ustavnog suda. Na osnovu informacija koje je Ured Vlade FBiH dostavio Ustavnom sudu, prema stanju na dan 30. januar 2026. godine, Ustavni sud je odlučio:

- za ukupno **18 „AP“** predmeta Ustavni sud je usvojio prijedlog statusa „**nalog nije izvršen**“ (AP-913/20, AP-3605/19, AP-5077/17, AP-952/17, AP-1298/16, AP-630/15, AP-176/12, AP-3035/13, AP-2511/11, AP-4021/11, AP-5758/10, AP-2341/10, AP-3222/10, AP-1567/09, AP-448/11, AP-2723/11, AP-2476/12, AP-4314/12).

Napomena:

Sve odluke donesene u izvještajnom periodu objavljene su i mogu se pronaći na internetskoj stranici Ustavnog suda BiH www.ustavisud.ba. Uputstvo za pretragu odluka nalazi se također na internetskoj stranici [Ustavni sud Bosne i Hercegovine | Uputstvo za pretragu](#).